



UNIVERSITÄTS-  
BIBLIOTHEK  
PADERBORN

**Series Episcoporum Archiepiscoporum Et Electorum  
Moguntinorum, Trevirensium Et Coloniensium**

**Kolb, Gregor**

**Rottwilae, 1725**

**VD18 12054054**

Seculum XI.

---

[urn:nbn:de:hbz:466:1-64326](#)

dem in Parthenone Gandershemensi & Quedlinburgensi sacro velamine exornavit. Multa eidem necessitudo fuit cum D. Burchardo Wormatiensi Episcopo, Conradi Imperatoris II. præceptore quondam celeberrimo, qui Willigisum suum dixit parentem & magistrum. Quantum hic ipse multorum Magister & Doctor, nec non ædificiorum sacrorum conditor vel restaurator profuerit sacris ædibus & monasteriis, recensere nimis prolixum foret. Mansuetudo Willigisij & animi demissio quanta fuerit, duo duntaxat hoc loco ex multis prodant capita. Cùm assentatores verborum lenociniis instarent, clam & palam sibi occinebat Elector: *VWilligis, VWilligis, recole unde veneris,* quo dicto obscuros suos sibi natales & memori menti & oculis proposuit: unde insignibus etiam suis rotam inferi præcepit, posteritati dicturus, Willigisij Electoris Moguntini parentem in tribu fabrorum lignariorum numeratum fuisse, qui conficiendis rotis dedisset operam. Rerum caput alterum erat: D. Bervvardus præsente D. Imperatore Henrico II. jura sua ab Electore Moguntino violari conquestus, tantum à Willigisio impetravit, ut hic admissi erroris veniam palam precatus, omnem deinceps favorem & amorem promiserit, & promissum servarit Bervvardo: unde lætissimus D. Henricus, nupèr electus Imperator, Willigisij manibus coronam Imperij sibi imponi tanto lumentius admisit, quanto majorem animi demissionem & æquitatem hoc in Antistite deprehendit, qui Ecclesiam suam annis 34. illustravit sub octo Pontificibus, nimirum Benedicto VII. Joanne XIV. Joanne XIV. Gregorio V. Sylvestro II. Joan. XVI. Sergio IV.

## SECULUM XI.

### XVIII. ERCKEMBALDVS ELECTOR II.

**E**rkembaldus Comes Summersenburgicus sanguinis propinquitate junctus erat D. Bervvardo Hildesiensi Episcopo, à quo

à quo inunctus & consecratus est Moguntiæ Archipræfus. In sede sua à Pontifice Sergio IV. confirmatus, monasterium extra Moguntiæ mœnia extruxit à S. Cruce hodie nuncupatum. Dedicationi principis templi Bambergæ præsentibus Pontifice Benedicto VIII. & Henrico Cæsare adfuit unâ cum aliis 71. Episcopis. Inter beneficia à Cæsare impetrata venit illud, quo populationibus Comitis Ottonis ob illicitas nuptias sacro fulmine percussi, Henrici Cæsaris authoritate facile est liberatus. Ecclesiæ suæ præfuit annis 9. sub prædictis duobus Pontificibus,

### XIX. ARIBO ELECTOR III.

**A**ribo natus comes Palatinus doctrinâ sacrâ simul & profanâ instructissimus, epistolis omnino variis diversos ad illustrandam eruditionem viros invitavit. Inter monumenta Aribonis clarissima jure celebratur liber in Psalmos ab eodem elaboratus. Synodum unam Seligenstadij, alteram Moguntiæ, tertiam Francofurti instituit, quarum ultimæ 23. Episcopi interfuerunt, præsente Conrado II. Imperatore. Decreta saluberrima iisdem Synodis sunt firmata, præsertim verò, quæ jejunium vernum & quatuor temporum, à Germanorum plurimis neglectum, spectabant, & hodie supersunt. Modestiam ac prudentiam Archipræfulis singularem ex eo collegerunt æqui rerum Arbitri. Dum nimicum litem inter Willigisium & D. Bervvardum jam finitam Aribo denuo suscitavit, ea re grave negotium & fastidium faceſſivit D. Gothardi monasterio. At demum causâ penitiùs discussâ, errorem suum publicè detestatus, veniam rogavit, veniam donans ipse quovis suos adversarios. Annis 11. decoravit Moguntinam Ecclesiam; annorum ultimo die D. Conrado sacra Paderbornæ præſente Cæsare dixit ad concionem, ubi pariter Romam petendi copiam Imperatorem rogavit, & simul omnium suffragia imploravit, ut errores suos salutari pœnitentia inter vivos posset eluere. Eluisse

verò

verò Aribonem suas qualescumque labes censuit ipse Pontifex Jo-  
annes XVIII. an. 1031. quo Aribonem brevì fatis concessum ex  
Italia in Germaniam remisit, ut corpus morbis confectum Germa-  
nica tellus reciperet, animam verò virtutibus pretiosam Cœlum  
suscepere.

### XX. D. BARDO ELECTOR IV.

**D.** Bardo ex perillustri Wetteraviæ familia natus, atque in Hassia monasterio Hirsfeldensi Abbas electus, pedo minore prælusit longè majori, quod dedit Moguntia longè dignissimo. Moguntiam ubi pervenit, nihil antiquius habuit, quam ut ædem à Willigis coeptam, & D. Martini honoribus consecrandam, daret absolutam. quod utrumque evenit præsen- te Conrado Cæsare & XVII. Episcopis. Inunxit idem deinde Moguntiæ Archipræsul Henrici III. post Conradum II. Imperato- ris conjugem alteram Agnetem Pictaviensem, & Ingelhemij Augu- stis adstitit nuptiis. Propter eloquentiam sacram, qua in templis & apertis campis ad confertissimum auditorem in viam virtutis reducendum maximopere usus est, D. Præsuli Chrysostomo fuit comparatus parique nomine cum eodem appellatus. An. 1051. sedis 20. cum die Pentecostes sacra Paderbornæ ingentem populi multitudinem, audiente etiam Cæsare Henrico, ad divini Pnev- matis honorem augendum fuisset hortatus, mortem sibi brevì ad- futuram prædixit vates, oracula dictante eodem divino Spiritu, cuius beneficio D. Bardoni concessa esse alia dona maxima mon- stravit D. Anno Coloniensis Elector, qui hominem membris omnibus captum, Moguntiæ ad tumulum S. Bardonis in pedes ere- xit testimonio totius populi publico. Sedit sub Pontificibus Be- nedicto IX. Gregorio VI. Clemente II. Damaso II. & Leone IX.

### XXI. LEOPOLDVS II. ELECTOR V.

**L**eopoldus aliis Luipoldus dictus, inter Fulenses & Bam- bergenses aut Canonicus, aut Abbas celeberrimus celebra- ri

ri amplius Moguntiae est promeritus. Quampiam ejusdem notitiam nobis reliquerunt D. Leo Pontifex & Henricus III. Imperator Wormatiæ enim coram Leone IX. ritu soleñissimo ad aram fecit primus post Pontificem Sacerdos. Anno dein 1054. cùm in Romanorum Regem inauguratus fuisset Aquisgrani, Henricus IV. Augusti filius, idque singulare honoris munus Hermanno Coloniæ Archipræsuli committi Imperator cuperet, nata est exinde ansa diuturnis inter utrumque Archipræsulem litibus. Cæterum inter Luitpoldi monumenta permagni æstimatum est monasterium in monte Venusto Moguntiam propè positum, & D. Benedicti filiis ab eodem concessum. Annis sedit 8. sub Pontificibus Leone IX. Victore II. & Stephano X.

## XXII. GIGFRIDVS ELECTOR VI.

**O** Felicem Germanam Ecclesiam, quæ, dum pene jam concidit in ruinas Imperium, tamen stetit firmissima, non cedentibus, non cadentibus Germanis Episcopis. Sigfridus ex illustri Eppensteiniorum stemmate oriundus, in principe Fulden-sium cœnobio optimè formatus literis & moribus, primò Fuldæ Præsul, inde Moguntiae Archipræsul, & Elector Imperij, peridonea virtutibus suis multis nactus est tempora per annos 24. non nisi Superum singulari beneficio conservatus Antistes constantissimus. Anno Archiepiscopatûs sui 4. Palæstinam adire, & quasvis tanti itineris molestias ac pericula subire non dubitavit. Comites tanto Duci accesserunt Episcopi complures, Güntherus nimirum Bambergensis, Otto Ratisbonensis, & Wilhelmus Ultrajectensis cum Præsulibus minoris notæ pluribus. Teste Mariano Scoto universorum capitum numerus septem implevit millia, quorum quinque partim viæ longioris difficultatibus, partim barbarorum prædæ inhiantium insidiis & apertis vulneribus succubuerunt. Reversus verò ad oves suas Sigfridus, lupum invenit Henricum IV. Cæsarem, qui dum Bertham Marchionis Itali filiam, conjugem suam

E

am

am legitimam cœpit respuere, multorum malorum prodromum egit, Sigfrido constanter meliora suadente, & tandem Pontificis nomine pro Republica Christiana imperante. Difficultati jam multiplici an. 1070. accessit illa non minima, qualiteris Româ datis iussus est Moguntiæ Antistes poenit simoniæ crimini jam statutis excipere Carolum Constantiæ Episcopum, inter Simoniacos Romæ, & inde an. 1071. Moguntiæ condemnatum. Anno huic proximo prætextu sacræ peregrinationis profectus in Galliam, in Cluniacensi monasterio inter Novitios adscribi petiit; cui proposito ne diutiùs inhæreret, ab universo subdito populo cruentis prope modum lacrymîs repetitus, comuni denique omnium cessit calculo & suspiriis, ut privatum commodum postponeret Reipublicæ damnis eo tempore gravissimis, quæ nec tollere, nec impedire penitus cum sociis Episcopis & Viris Principibus sat serio nec serò volebat, denique tamen non valebat. Ea nimirum Ecclesiæ & Imperij tempestate turbatissima à Gregorio VII. Pontifice, & potissimum in Imperio Principum parte, Henrico Cæsari in supremo folio subrogatus est Rudolphus, Comes Rheinfeldenis dictus, Imperatoris affinis, cuius partes ut nunquam non fortissime deinceps propugnaret, Sigfridus ipse Rudolphi commitentes ad pugnam strenue capessendam est hortatus, sed & captum in prælio, captivum in furcam, aut vicinam arborem agere jamjam parantes milites superveniens absterruit Henricus, servaturus Sigfridum annos 4. in custodia cum Adelberto Wormatiensi Episcopo, postquam lethali vulnere prostratus cecidit Wernerus Archiepiscopus Magdeburgicus. Tandem anno 1082. libertati restitutus, ut curas effugeret publicas, mortis certa viætima biennium vitæ reliquum in monasterio Hasungensi transegit ab omni culpa, haud quaquam etiam ipse immunis, quam inter publicas Ecclesiæ & Imperij difficultates summas non nisi virtute magni, imò maximi evitare consueverunt. Sederunt Romæ Nicolaus II. Alexander II. Gregorius VII.

XXIII.

### XXIII. WEZILO ELECTOR VII.

**W**ezilo Sigfridi Successor ubi natus, aut educatus, & summis muneribus sese reddiderit idoneum, non meminerunt Historici, contenti memorasse solūm, quod ab exordio dignitatis suae Henrico IV. & Pseudopontifici Clementi verius pertinaciter, quam constanter animum suum devoverit, Gebhardo Salisburgensi Archipræsule & Episcopis ferè universis in Concilio Moguntino refragantibus, & Deum recte factorum remuneratorem scelerumque vindicem testantibus. Torrenti demum cedendum ratus pro Pontifice contra Cæsarem ferre suffragia, & dicere sententias cœpit: unde damnato errore suo Archipræsul & Elector Imperij intentata & inficta ab Henrico vulnera magno tulit animo, ut disceret pati & mori: mortuus namque est, postquam an. 4. potius sedere desideravit, quam sedit sub Gregorio VII. & Victore III.

### SECULUM XII.

#### XXIV. RUTHARDVS. ELECTOR VIII.

**R**uthardus ex Erfurdiæ ad D. Petrum Abbatem electus Moguntiæ Elector, statim in Archiepiscopatus sui exordio refragi pro viribus Henrico IV. constituit, contempto quovis corporis & fluxarum rerum periculo. Atque conceptam animo constantiam non magis verbo, quam opere exhibuit: ab Henrico enim sede Moguntina in Thuringiam exul pulsus, annis ferè 9. in castello Hertesbergensi gravem rerum inopiam pertulit, provenitus interea Moguntinos rapiente Henrico proscripto Cæsare. Tandem an. 1105. Henrici V. contra patrem pro Ecclesia & Imperio pugnantis potestate una cum Episcopis aliis restitutus Ruthardus, anno proximo Ingelhemij Henricum genitorem insignibus Imperij exuit, ut filium iisdem indueret, gratulante Germania

E 2

uni-